

समे – 12:25

<><><><><><>

PM-Conference

प्रधानमंत्री नरेन्द्र मोदी होर अज्ज उपरातली दुए रोज पुलस महानिदेशकें ते महानिरीक्षकें दे कुल भारतीय सम्मेलन च हिस्सा लैंगन। शुक्रवारें ओडिशा दे भुवनेश्वर च शुरू होए दे त्रै रोजा इस सलाना सम्मेलन दा अज्ज खीरी ध्याड़ा ऐ। सम्मेलन च अज्ज प्रधानमंत्री मोदी हुंदे इलावा केन्द्री गृहमंत्री अमित शाह , राश्ट्रीय सुरक्षा सलाहकार अजीत डोभाल, केन्द्री गृह सचिव गोविंद मोहन बी पुलसै दे उव्व अधिकारिएं ते देसै दिएं बक्ख-बक्ख सुरक्षा अजेंसिएं दे प्रमुखें कन्नै राश्ट्रीय सुरक्षा कन्नै जुड़े दे बक्ख-बक्ख मुद्दें पर चर्चा ते सजाह सूत्र करगंन। इस दरान पुलसै गी पेश औने आले, संचालन, परिचालन ते बुनियादी ढांचे सरबंधी मुद्दें ते विषयें पर बी चर्चा करगंन। सम्मेलन च अज्ज अंदरूनी सुरक्षा, नमें अपराधिक कन्नूनें, समुंद्री इलाकें दी सुरक्षा, साइबर अपराध, माओवादी खतरे, आर्टिफिशल इंटेलीजेंस ते ड्रोन चुनौतिएं सनें नमीं प्रौद्योगिकी करी पैदा होने आले खतरे दे बारे च बी चर्चा होने दी मेद ऐ।

<><><><><><>

PM –BSF Raising Day

प्रधानमंत्री नरेन्द्र मोदी होरें सीमा सुरक्षा बल बीएसएफ गी अज्ज उंदे स्थापना दिवस पर शुभकामना दित्तियां न। सोशल मीडिया पोस्ट च प्रधानमंत्री होरें आखेआ जे बीएसएफ दा मुख्य दी रक्षा पंक्ति च महत्वपूर्ण योगदान ऐ। उनें आखेआ जे एह बल साहस, समर्पण ते असाधारण सेवा दा प्रतीक ऐ। उनें मुख्य दी सुरक्षा च बीएसएफ दी सतर्कता ते साहस दी सराहना कीती।

<><><><><><>

Trump

अमरीका दे राष्ट्रपति चुनोए दे डोनाल्ड ट्रंप होरें भारतीय मतूल दे अमरीकी नागरिक काश पटेल होरें गी एफबीआई दा नेतृत्व करने लेई नामांकित कीता ऐ। श्री पटेल होर दुए भारतीय मूल दे अमरीकी न, जिनेंगी ट्रंप होरें अपनी कैबिलेट लेई चुनेआ ऐ। अपनी इक सोशल मीडिया पोस्ट च ट्रंप होरें कल रातीं काश पटेल होरें एफबीआई दा अगला डरैक्टर नियुक्त करने दी घोशणा कीती। उनें आखेआ ते काश पटेल होर इक बुद्धिमान वकील, जांचकर्ता ते न्याय दा पक्ष रखने आले न, जिनें अपना करियर भ्रष्टाचार दा पर्दाफाश करने दे निमित्त लाई दित्ता। एहदे शा पैहले ट्रंप होरें भारतीय मूल दे अमरीकी वैज्ञानिक जय भट्टाचार्य होरें गी नैशनल इंस्टीच्यूट ऑफ हैल्थ दा डरैक्टर नियुक्त कीता हा, जेह्डी अमरीका च सेहम अनुसंधान आला अगेतरा संस्थान ऐ।

<><><><><><>

Aids Day

एक्वार्यड इम्यूनो डेफिसेहनी सिंड्रोम एडस बारे लोकें च जागरूकता पेदा करने लेई अज्ज कुल संसारी ध्याड़ा मनाया जा'रदा ऐ। केन्द्रीय सेहत ते परोआर कल्याण मंत्री जे.पी.नड्डा होर मध्यप्रदेश दे इंदौर च विश्व एडस दिवस 2024 कार्यक्रम दा उद्घाटन करगन। इस मौके पर मध्यप्रदेश दे मुख्यमंत्री मोहन यादव होर मान जोग परौहने होंगन। इस ब'रे विश्व एडस दिवस बारे जागरूकता बधाने, इलाज आस्तै अधिकार आधारित नजरियै गी बढ़ावा देने ते एचआईवी कन्नै प्रभावित लोकें खलाफ फर्कोफर्की खत्म करने पर ध्यान केन्द्रित कीता जाग। इस ब'रे दा विशे सार ऐ—सेई रस्ते पर चलो। इस कार्यक्रम च एनएसीओ दे थीम गीत दी शुरुआत, लीगार्थिएं गी प्रेरणादायक कहानियां ते संगठन दे मिशन दा समर्थन करने आस्तै प्रमुख संसाधनें गी सामने आनना प्रमुख होग।

<><><><><><>

IGP Traffic

आईजीपी ट्रैफिक एम.सुलेमान चौधरी होरें ट्रैफिक दे वरिष्ठ अधिकारिएं कन्नै बैठक लाइयै जम्मू शैहर दी मजूदा ट्रैफिक स्थिति दा जायजा लैता। बैठक दरान आईजीपी ट्रैफिक होरें ट्रैफिक जाम लगने आली प्रमुख थाहरें बारे जायजा लैता ते एहदे कारणें दा पता लाया। उनें सारे अफसरें गी हिदायत जारी कीती जे ओह ट्रैफिक सरिस्ते दा खरी चाल्ली अध्ययन करन, खास करीमता आओजाई आले समें दा ते सरबंधी इलाकें च दंडर कारगी ते बेहतर तरीके कन्नै अध्ययन करन ते ट्रैफिक गी सुचारू बनान।

<><><><><><><>

Akashwani

आकाशवाणी जम्मू अज्ज अपना 78मां स्थापना दिवस मना करदा ऐ। अज्जै दे रोज 1947 च पाकिस्तानी फौज आस्सेआ कबाइली हमलें दी आड़ च कीते गेदे हमलें दरान पाकिस्तान रेडियो परा चलाए जा'रदे झूठे प्रचार दा बनकदा ते मूह त्रोट परता देने लेई एहदी स्थापना होई ही। उसलै एहदा नां "रेडियो कश्मीर जम्मू" रखेआ गेआ हा। इस मौके पर श्रोताएं ते रेडियो प्रशासकें आस्सेआ ममारकी सनेएं दा सिलसिला अज्ज बडलै थमां गै जारी ऐ।

<><><><><><><>श

RNU Annoncement

आकाशवाणी दा क्षेत्रीय समाचार एकांश जम्मू ओंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बडलै साढ़े 9 बजे 30एं मिंटे दा इक विशेष कार्यक्रम प्रसारत कीता जाग जेहदे क्षेत्रीय समाचार एकांश दी भूमका, जिम्मेवारिएं ते कम्म करने दे तौर तरीके दे इलावा, इत्थे कम्म करी चुके दे अधिकारिएं कन्नै गल्लबात बी शामिल होग। अपने कर्मिएं दी होसला अफजाई लेई ऐकती स्थापना दिवस दे मौके पर उनेंगी सम्मानित बी कीता जाग जिंदे च 2024 ब8रे दे बेह्तरीन समाचार सम्पादक, डोगरी ते गोजरी दा बेह्तरीन समाचार वाचक ते अनुवादक, बेह्तरीन जिला संवाददाता ते जनरल स्टाफ श्रेणी च बेह्तरीन कर्मी शामिल ऐ। इस मौके पर 2024 आले लोकसभा ते विधानसभा चुनाएं दरान आकाशवाणी दे विशेष कार्यक्रमें लेई सैह्योग ते योगदान देने आलें गी बी सम्मानत कीता जाग।

<><><><><><><>श